

**AWIG – AWIG
DESA ADAT BRESELA**



**DESA BRESELA
KECAMATAN PAYANGAN
KABUPATEN GIANYAR**

P I D A G I N G
MAKA BANTANG AWIG-AWIG DESA ADAT BRASELA
MURDHA CITTA

SARGA I ARAN LAN WAWIDANGAN DESA

SARGA II PATITIS LAN PAMIKUKUH

SARGA III SUKERTA TATA PAKRAMAN

Palet 1 Indik Krama	2
Palet 2 Indik Prajuru/Dulun Desa	5
Palet 3 Indik Kulkul	7
Palet 4 Indik Paruman	9
Palet 5 Indik Druwen Desa	10
Palet 6 Indik Sukerta Pamitegep	11
Kaping 1 Karang Tegal lan Carik	11
Kaping 2 Papayonan	12
Kaping 3 Wawangunan	12
Kaping 4 Wawalungan	14
Kaping 5 Bhaya	15
Kaping 6 Panyanggran Banjar	16

SARGA IV SUKERTA TATA AGAMA

Palet 1 Indik Dewa Yadnya	18
Palet 2 Indik Rsi Yadnya	23
Palet 3 Indik Pitra Yadnya	23
Palet 4 Indik Manusa Yadnya	31
Palet 5 Indik Bhuta Yadnya	31

SARGA V SUKERTA TATA PAWONGAN

Palet 1 Indik Pawiwahan	34
Palet 2 Indik Nyapian	36
Palet 3 Indik Sentana	38
Palet 4 Indik Warisan	40

SARGA VI WICARA LAN PAMIDANDA

Palet 1 Indik Wicara	43
Palet 2 Indik Pamidanda	43

SARGA VII INDIK NGUAH - NGUWUHIN AWIG-AWIG

SARGA VIII PAMUPUT

- 1 -

MURDHA - CITTA

AUM, OM

Om Swastyastu, Om Awighnamastu nama Sidham,
Putusing sabha Krama Desa Adat Brasela gumawe Awig-awig Desa
Pakraman maka sepat siku-siku pamatut, wastu kasidan prayojanan mani
kabeh Prasama angidep mwah amagehaken kadi linging Awig-awig iki.

SARGA I

ARAN LAN WAWIDANGAN DESA

Pawos 1

- (1) Desa Adat puniki mewastu Desa Adat Brasela.
- (2) Jebar kakuwub wawidangannya mawastu nyatur :
 - a. Sisih wetan ring Desa Adat Tegallalang;
 - b. Sisih kulon ring Desa Adat Bukian;
 - c. Sisih lor ring Desa Adat Tatag;
 - d. Sisih kidul ring Desa Adat Yehtengah.
- (3) Desa Adat puniki kawangun antuk karang ayahan Desa, Karang Guna
kaya, tegal lan carik sane merupa paumahan, turmaning kepah dados
tigang babanjaran soang - soang sinanggehi tempekan luire :
 - a. Tempek Taman / Banjar Gadungan;
 - b. Tempek Batur / Banjar Triwangsa Brasela;
 - c. Tempek Kaja / Banjar Brasela;

SARGA II

PATITIS LAN PAMIKUKUH

Pawos 2

Desa Adat Brasela ngamanggehang pamikukuh minakadi :

- a. Pancasila.
- b. Undang-Undang Dasar 1945 Pamekas Pasal 18.
- c. Perda Tingkat I Bali Nomor 06 Tahun 1986

- d. Tri Hita Karana manut sada cara Agama Hindu

Pawos 3

Luir patitis Desa Adat Brasela :

- a. Mlkukuhin miwah ngerajegang Sang Hyang Agama;
- b. Nginggilang tata prewertine ma agama;
- c. Ngerajegang kasukertan Desa saha pawongannya sakala lawan niskala.

SARGA III

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong Karang Desa utawi Karang Gunakaya Mapaumahan ring tegal miwah carik, jenek mapaumahan ring wawidangan Desa Adat Brasela.
- (2) Sahanan sang madruwe tanah yadiastun wit ngontrak / numbas sane ma agama Hindu, tur jumenek mapaumahan ring wawidangan Desa Adat Brasela tan kantun kaiket antuk Desa Adat wit ipun, patul makrama Desa kariyini antuk pasadok ring Prajuru / Dulun Desa, maka sarana sewala patra maka cihna kesah saking Desa inucap saha nawur arta pananjung, agung alit manut pararem, tur satinut ring sahananing Daging Awig-awig Desa Adat Brasela.
- (3) Yening tan jumenek keni tigasana nyabran nem sasih manut pararem Desa.
- (4). Sajaba punika sinaggeh tamyu.

Pawos 5

Krama Desa Wenten 5 (limang) Pawos luire :

- a. Krama ngarep inggih punika : Krama sane ngamong karang Desa wiadin karang gunakaya, Polih nyepih karang Desa, asedengan sanggah kamulan taksu miwah pakubon jangkep manut dresta magenah ring tegal miwah carik yān sampun ngawangun Sanggah kamulan taksu miwah pakubon jangkep.
- b. Krama batan paha/krama nyibakin inggih punika Krama sane ngamong tanah tegal utawi carik tan maetang linggah cupeknyane tur tan ngawangun Sanggah Kamulan taksu.
- c. Krama Buluangkep/Krama Pangele inggih punika : Kulawarga sane tanpa karang miwah carik, sakewenten sampun mawiwaha, kabawos krama Banjar Patus.
- d. Krama Balu inggih punika : Kulawarga sane katinggal seda olih lanang utawi istrinyaane utawi sangkaning nyapian.
- e. Krama tapukan / Santana Kulawarga manut aksara a utawi b ring ajeng sakewanten durung antes ngayah.

Pawos 6

Kawit dados Krama Desa :

- a. Sangkaning ngamong Karang Desa, Karang Gunakaya, Polih Nyepih karang, magenah ring tegal utawi carik tur ngawangun sanggah kamulan taksu.
- b. Mawiwit pawiwahan.

Pawos 7

Panemaya ledun makrama Desa :

- a. Yan embasan Desa Adat Brasela, sampun mawiwaha katedunang makrama Desa Adat nyabran sasih kasanga nyantos pasangkepan.

- b. Yan tan embasan Desa Adat Brasela, Asasih ngawit mapaumahan yan sampun alaki rabi.

Pawos 8

Sahananing Krama Desa keni tategenan (ayah - ayahan) luire :

- a. Ayah nyumek, mapiteges urunan miwah ayahan sawungkul saking krama ngarep.
- b. Ayah batan paha ayahan sawungkul urunan saparo saking krama ngarep.
- c. Ayah bulu angkep ayahan sawungkul urunan apah empatan saking krama ngarep.
- d. Yan ring Dalem Krama Ngarep miwah Krama Batan Paha, pateh kadi Krama Ngarep, nanging bulu angkep keni urunan saparo nanging ayahan sawungkul.
- e. Ayah tapukan keni urunan mamungkul, yaning ayah marep, saparo yaning ayah batan paha, miwah soang - soang kaluputang saking ayah - ayahan Jantos antes ngayah (mayusa 17 warsa).
- f. Prade rikalaning ngayah wenten sinalih tunggil krama matilar tanpa sadok sadereng puput karya, wenang krama inucap keni pamidanda manut pararem, tanjek laler kawastanin.

Pawos 9

Krama Desa kadadosang :

- a. Mapuangkid utawi lan tedun :
 1. Rikala mapawangun, ngaraabin, mayadnya, nandur (memulih) matepetin, kaluasan lan siwosan punika.
 2. Kengin tempo wantah apisan sajawaning wenten kabebasan Prajuru / Dulu - dulu.
- b. Nyada mapiteges ngamademang ayah risampun mayusa 60 - 70 warsa tur tan kadadosang nyuksukin.

- c. Nyade utawi nyuksukin, tur sane kawenangang sane ma agama Hindu
tur sane sampun manggeh dahi taruna, utawi mresidayang nganutin
krama.
- d. Sang wusan makrama :
1. Patut ngaturang ayahan ka Desa.
 2. Tan polih papahan sangkaning padruen desa, sajawaning
pahpahan ring tempek manut pararem.

Palet 2

Indik Prajuru / Dulun Desa

Pawos 11

- (1) Desa Adat Brasela kaentar olih Bendesa Adat.
- (2) Banjar utawi tempekan kaenter olih Kelian Banjar / Tempek.
- (3) Bendesa lan Kelihan Banjar patut :
 - a. Mawiwit saking krama Desa Adat Brasela.
 - b. Rahajeng tur mapolahi rahayu.
 - c. Uning nyurat tur ngawacen aksara bali miwah aksara latin,
sanentennyane madue STTB SMTP.
 - d. Uning ring pari indikan Adat lan Agama.
 - e. Tan Cedaangga.
 - f. Kaadegan malarapan antuk kacatri olih paruman Krama nyabran
limang warsa, sajawaning wenten parindik lios tur dados kacatri
malih.
 - g. Maduluran upasaksi ring Pura Bale Agung.

Pawos 12

- (1) Bendesa Adat kasanggara antuk :

- a. Patajuh utawi Pangliman pinaka wakilnyane ;
 - b. Panyarikan pinaka juru surat ;
 - c. Patengen pinaka pangemong druwen Desa ;
 - d. Kasinoman pinaka juru arah.
- (2) Kasinoman akehnyane manut kawigunan saha magilir nyabran sasih.
- (3) Sajeroning ngenterang sukerlan niskala Bendesa mingsinggihan Pamangku Kahyangan Desa.

Pawos 13

- (1) Swadharmaning Bendesa Adat luire :
- a. Ngenterang pamargin sadaging Awig-awig miwah pararem Desa ;
 - b. Nuntun tur ngenterang krama rawuhing warga desa ngupadi kasukertan desa manut patilis ;
 - c. Mawosin kalih niwakang pamutus arep ring wicara krama desa ;
 - d. Maka duta matemuang bawos ring sapa sira ugi ;
- (2) Prade Prajuru iwang panglaksana keni pamidanda nikel ring kaiwangan soang-soang krama saha kangkat kararyanang manut pararem.

Pawos 14

Patias utawi olih - olihan Prajuru / Dulun Desa luire :

- a. Luput rarampen (papeson)
- b. Polih tanding tangan (Cenengan)
- c. Upon pacatu / palaba carik / legal manut pararem.
- d. Patias sewosan manut pararem.

Pawos 15

- (1) Prajuru / Dulu Desa kagentosin ri antukan :
 - a. Seda ;
 - b. Tutug panumaya ;
 - c. Keni pinungkan tahunan tur tan sida ngamargiang swadarmanya ;
 - d. Wit saking pakayun utawi pinunas ngaraga ;
 - e. Kauwusang sangkaning suadharmanya lan kacumponin malih saking Krama.
 - f. Sane uwusan saking becik polih cihna yasa saking Krama
- (2) Ngararayang utawi ngentosin Prajuru / Dulu-dulu patul sajeroning paruman tur kaingkupin olih Krama Desa.

Palet 3

Indik Kulkul

Pawos 16

- (1) Kulkul ring Desa Adat Brasela luire :
 - a. Kulkul Desa.
 - b. Kulkul Banjar / Tempekan
 - c. Kulkul Pasekaa - sekaan.
- (2) Tabuh tatepakan kulkul :
 - a. Atulud lambat tengeran tedun ngayah.
 - b. Kalih tulud lambat tengeran pasangkepan.
 - c. Atulud lambat matangu silih asih, tengeran maturan.
 - d. Kalih tulud lambat matangu silih asih, tengeran nyanggra sarat rawuh sang mawang rat.
 - e. Atulud bulus matangu siki tengeran kamalingan.

- f. Atulud bulus matanggu kalih tengeran ke genibaya.
 - g. Atulud bulus matanggu tiga tengeran loyabayan lan angin.
 - h. Atulud bulus matanggu silih asih tengeran kajiwabaya.
 - i. Nyilih asih lambat tengeran Bhatara tedun miwah masineb.
 - j. Nyilih asih ping pitu tengeran Surya gere / bulan kapangan.
- (3) Tengeran Kulkul ring soang-soang pabanjaran :
- a. Nyilih asih ping 11 tengeran pangantenan;
 - b. Nyilih asih ping 5 tengeran rare embas;
 - c. Atulud lambat matanggu silih asih tengeran gotong royong;
 - d. Kulkul kalayu sekaran (palus seda)
 - 1. Atulud lambat mitayang anak seda.
 - 2. Kalih tulud lambat salanturnyane, nedunang Banjar.
 - e. Tigang Kelentungan ngawangdeang karya.

Pawos 17

- (1) Kulkul Desa utawi Banjar tan wenang katepak yening tan sangkaning pituduh prajuru / Dulun Desa sajawaning wenten baya miwah rikala ngarupuk.
- (2) Sang nepak tan sangkaning pituduh Prajuru patut digelis matur supiksa ring Prajuru maka pabuatan panepake yan tan mangkana wenang sang mamurung keni pamidanda manut pararem.
- (3) Kulkul Sekeha-sekeha samaliha kulkul pondokan lan kalugra nyawerin (matelin) sukat utawi tengeran kulkul Desa / Banjar, sajawaning wenten bhaya, Prade mamurung keni pamidanda manut pararem.

Palet 4

Indik Paruman

Pawos 18

(1) Paruman / Sangkepan ring Desa Adat Brasela wenten :

a. Paruman Desa/Banjar kawentenang :

1. Nyabran ngasasih maka cihna tanpa arah-arali duaning sampun tetep panamaya manut pararem pabanjaran soang-soang.

2. Napkala (padgata kala) maka jalaran arah-arali manut tatujon.

b. Sangkepan Prajuru / Dulun Desa kawentenang manut wiguna;

c. Paruman sekeha-sekeha manut pabuat;

(2) Paruman Desa/Banjar madudonan kadi ring sor-:

a. Prasida lumaksana risampun katedunin antuk sang patut ngamiletin, kamangala antuk tengeran kulkul miwah abusana adat madya, saha tan kalugra makta gagawan saka luire;

Tan maren ngarcana ring Ida Bhagawan Penyarikan maka sarana Widi Widana Cane.

b. Maka sarana janggi, pangawit kalaksanayang sep-sepan saha riwusan nyacak dadosan, gung alit manut pararem;

c. Tan kalugra ngawtuaken sura gora utawi byota, yan prade wenten asapunika keni pamidanda bea pacamil kadi dandaning nguman-uman ring sabha;

d. Pamutus babawosan briyuk sapanggul (hingkup) punika kamanggehang.

(3) Prade pidaging paruman tan kaingkupin mangda Prajuru/Dulun Desa ngilil kang babawos, saha putasanya kararemin antuk Krama Desa, bilih tan prasida kasungkemli Jantos plng 3 Prajuru/Dulun Desa wenang nunas ring sang ngawawenang.

Pawos 19

- (1) Sajeroning paruman Desa, Bendesa patut ngobyahang pamargi ngenterang Desa pamekas nganinin Indik :
 - a. Munjuk lungsuring pakraman saha ayah-ayahan, sulur arta brana druwen Desa;
 - b. Rencana Prajuru / Dulun Desa nganinin usaha Desa kapungkur;
- (2) Pamutus paruman desa sinaggah pararem maka pamitegep palaksanaan Awig - Awig.

Pawos 20

- (1) Sangkepan Prajuru/Dulun Desa kawenangang wantah ngarincikang pangerencana Desa kapungkur.
- (2) Sangkepan Prajuru/Dulun Desa tan kawenang ngawedalang talegenan ring Krama sadereng kaingkupin olih Krama Desa.
- (3) Pamutus pasangkepan Prajuru/Dulun Desa ngawetuang pasuara maka pidaging pituduh sang Ngawawenang utawi ngonekang pecak pararem Desa.

Palet 5

Indik Druwen Desa

Pawos 21

Padruwen Desa Adat Brasela, kadi ring sor :

- a. Kahyangan Desa luire :
 1. Kahyangan Tiga.
 2. Pura Melanting, Pura Alit, Pura Nataran, Pura Batur, Pura Taman, Pura Batumadeg.
- b. Bale Desa magenah ring jabaning Pura Desa, Wantilan ring Jaba Pura Dalem

- c. Tanah - tanah palaba Pura.
- d. Karang ayahan Desa.
- e. Setra-setra palemahan, makadi Setra Alit, Setra Pangarep, Pamuwunan.
- f. Mrajapati-mrajapati ring soang setra.
- g. Lelanguwan mina kadi gong lan sapanuggilanipun.

Pawos 22

Piolih-olihan Desa Adat Brasela luire :

- a. Pioli-olihan saking palaba Pura
- b. Urunan Krama Desa Adat.
- c. Paica saking Guru Wisesa
- d. Olih-olihan sewosan sanc patut
- e. Usaha Desa.

Palet 6

Indik Sukerta Pamitegep

Kaping I

Karang, Tegal lan Carik

Pawos 24

- (1) Krama Desa pangemong karang Desa (tanah sanc tan keni tigasana) wiadin karang Gunakaya, patut ngawatesin karang inucap antuk pagehan / turus utawi tembok mangda pakantenannyane asri.
- (2) Wates sisi kalor miwah kangin patur kakaryanin antuk Sang ngamong karang ayahan inucap, sanc mawasta gagaleng kaluan, Sajawaning tanah pacatu, tegal, carik utawi tanah padruwen ngaraga sanc kaping batese sisi kelod miwah kauh, reh punika mawasta gagaleng kateben.

- (3). Prade karasayang pagedan/turus inucap ngalikadin yan pada arsa panyandinge kengin batese nganggen pinget kemanten. kasaksi antuk Prajuru/Dulun Desa, ulawi precihna pal saking sang mawang rat.
- (4) Yening wenten sinalih tunggil krama Desa nyiwadanaang tanah / talajakan pakarangan Desa, patut polih uwak-uwakan saking warisna taler polih pamutus paruman Desa.
- (5) Yening wenten karang kabebeng patut mangda kaulsahayang margi lan pangutangan toya manut pararem lan paigun.
- (6) Yening pacang makarya jempeng, kandang wawalungan, miwah genah jajemuhan busana lan kadadosang nampek ring : Genah sanc kasuciang, margi, paembang jempeng sareng pamrajan, kahyangan utawi Pura sanistane kalih depa agung (4 meter)

Pawos 25

- (1) Sinalih tunggil Krama Desa/Banjar tan kalugra :
 - a. Ngalah - alahang margi, tegal, karang ayah desa, laba desa, tegak suci, setra, lsp.
 - b. Majejemuhan ring margi, ngutang luhu ring margi utawi ring gol, ring telabah.
 - c. Manting, nyusut, masiram, ngumbah motor, ring kran umum utawi ring margi.
 - d. Ngutang wastra wek (bekbekan) kang sinanggeh letih mabacin ring talabah (toya), ring margi.
- (2) Prade wenten sakadi ring ajeng sang ngalalahang ngawaliang tanah inucap, taler keni pamidanda sapatutinyane, kadulurin pamidanda upakara ring pengalalahan tanah suci, yening manut kadi aksara b, c, d, ring ajeng keni pamidanda miwah panyangaskara manut pararem.

Kaping 2

P a p a y o n a n

Pawos 26

- (1) Ngawit nandur papayonan tanem tuwuh patut adepa agung (2 meter) ngajeroang saking bates, prade ngaliwat bates wenang kasepat gantungin.
- (2) Yening wenten tatanduran ngungkulin, samalih mawastu, mayanin kapisaga patut kawara antuk paiguman ping ajeng, prasida sang nruwenang wit ngrebah utawi notor.
- (3) Prade sampun kawara taler tan wenten usaha sang nruwenang wit sang rumasa ketetehan/kajerihan wenang masadok ring Prajuru/Dulu, tur risampun kaparitas kalugra ngicalang wit Inucap, sakewanten patin papayonan patut katawur manut pengeloika sane nepasin.
- (4) Sang keni pamidanda panyangaskara saha prebya manut pararem arep ring wawangunan sang karubuhan luire :
 - a. Sang nruwenang wit sinanggah mayanin, prade pungkak ngrubuhin wawangunan krama lios.
 - b. Sang notor, munggul utawi ngerebah taru tur ngarubuhin wawangunan krama lios.
- (5) Krama Desa patut ngamanggehang kawerdian tenem tuwuh sane ngawinang desane asri tur lestari.

Kaping 3

W a w a n g u n a n

Pawos 27

- (1) Nyabran ngawangun patut :
 - a. Masadok ring Prajuru/Dulu ping ajeng prade wawangunane ngeninin bates.
 - b. Ngangge asta bhumi miwah gagulak kosala kosali sanistane manut patitis niskala.

c. Tan nyayubin kapisaga.

- (2) Prade wawangunane jantos nyayubin bilih - bilih temboke ring telengling bates, risampun kawara tur kasadokang ring Dulu wenang kadanda manut pararem saha tembok inucap kagubar utawi sanistane mangda kakaryanang abangan.
- (3) Yening pacang makarya rurung patut pinih alit adepa agung (2 meter) linggahnyane, malarapan antuk paigum olih sang pacang ngawangun ring sang sane madruwe tanah pacang kaanggen rurung.
- (4) Yan pacang ngenahan barang padruwean ring margi utawi rurung, lan kadadosang jantos tan wenten genah memargi, tur lamin ipun wantah sarahina.
- (5) Tan wenang wenten pawangun ring sjeroning margi utawi rurung.
- (6) Saluiring margi sane wenten ring wawidangan Desa Adat Brasela patut kapiara olih sang nganggen, tur patut mangda kawentenang taman telajakan.
- (7) Sapa sira sane mamurung kecap ring ajeng keni pamidanda manut pararem.

Kaping 4

W e w a l u n g a n

Pawos 28

- (1) Sahananing Krama Desa sane memiara wawalungan (risampun mabelas, utawi banteng lsp, sampun masaluk tali) patut sayaga nitenin negul / ngalogor mangda tan ngarusakin karang utawi pabianan anak tios bilih bilih jantos ngaranjing ngaletehin Kahyangan.
- (2) Prade wenten wawalungan malumbar utawi ngeleb ngarusakin pakarangan/pabianan Krama sewos, risampun kewara, kengin kataban tur kadanda ngawaliang wit sane karusak saha naur panebas papiaran tatabanan, anui pangeloikan Prajuru/Dulu.
- (3) Prade jantos ngaletehin tegak suci, minakadi merajan risampun kapari tatas antuk Prajuru/Dulu wenang sang nruwenang kadanda

mabuhu agung, tebas-tebasan prayascita durmangala, utawi panca sata iwak bebek belang kalung jantos ngaletihin Kahyangan Tiga utawi Pura-pura Pamaksan.

- (4) Sang miara wawalungan taler tan kawenang ngenahan kurungan, utawi negulang, ngangonang wawalungan ipun ring genahe kadi inucap ring sor :

Genah suci rawuh pakarangan Desa adat, margi agung, rurung ring desa, ambal-ambal ring pakarangan, setra-setra.

- (5) Krama Desa Adat taler mangda nyanggra kawerdian wawalungan miwah sarwa prani minakadi, tan kalugra nuba ulam, medil sarwa paksi, lsp. Yan wenten melaksana kadi sapunika keni pamidanda manut pararem, tur katurang ring sang Ngawa wenang.

Kaping 5

B h a y a

Pawos 29

- (1) Pari indik bhaya luire : Jiwa bhaya arta bhaya (kapandangan) geni bhaya, lindu bhaya, toya bhaya, lan duracara ring agama miwah Adat.
- (2) Sang manggihin kaanan bhaya, patut nepak kulkul bulus mapitulung ring sang kakenan bhaya.
- (3) Prade ring Desa kaanan bhaya, patut Desane ngaturang bhuta yadnya tur sang mayaning katur ring sang ngawa wenang.
- (4) Sahanan Krama Desa patut mapitulung ring sang kenanin bhaya.
- (5) Prade wenten jatma mamisuh utawi nguman-uman jatma tios bilih - bilih sang luwuran wangsa utawi ring sang sane sampun kasuciang olih Krama Desa, keni pamidanda beya pacamil, pamrayascita manut dresta.

Pawos 30

- (1) Sang manggihin sahanan arta bhaya (kamalingan) patut mapitulung, utawi sang kamalingan atur upeksa ring Prajuru/Dulun Desa sane

pacang nimbangin utawi nandanin manut pararem saha mawuwuh panyangaskara prade wenten jatma ngamaling barang sinanggeh suci.

- (2) Pretingkahe mapailon ring dusta kabawos saruron, prade wenten jatma manggihin maling tan nyadokang ring Prajuru/Dulun Desa, jantos jatma tios nyaduang, patut kadanda kadi dandaning maling, sakueh pangargan wit manut cacakan, tur prade jantos ping tiga melaksana asapunika wenang kasukserah ring sang Ngawa wenang.
- (3) Prade wenten jatma ngarereh reramon minakadi daun kalapa, ron, tan pasadok ring sang nruwenang wit prade kacunduk (katara) patut kadanda kadi dandaning maling.
- (4) Yening wenten jatma ngaranjing ke pakubon yadin pekarangan rikala suwung, mawastu sang madruwe pekarangan kaicalan wenang jatma inucap katuwekang antuk madewa saksi ring Pura Bale Agung.
- (5) Mangde tan katuwekang manut ring ajeng asing-asing ngaranjing kubon jatma tios patut :
 - a. Matengeran suara (makawukan)
 - b. Nyantos sang nruwenang karang rawuh, utawi masadok ring pangapit pinih tampek, maka pabuat pangranjinge.
 - c. Pamedal karangnya kadagingin sawen makacihna pangarah rikala suwung.

Kaping 6

Panyanggran Banjar

Pawos 3 I

- (1) Krama Desa rikala ngawentenang karya suka - duka patut kasanggra olih Banjar luire :
 - a. Prade ngawangun Pitra Yadnya utawi Manusa Yadnya manut pinunas sang mayadnya.
 - b. Pangrombo utawi karya gotong royong krama jantos ping tiga, salangkungan punika patut katuran pangu.

- c. Pangingu rikala Pitra Yadnya anut abot dangan yadnyane, prade saking semengan ngantos wengi katuran pangingu ping kalih.
 - d. Indik Pawedal Patus, seda utawi palebon manut pararem.
- (2) Kraina Desa ritatkala ngawangun karya utawi yadnya sane sewosan, taler kadadosang nyelang genah rawuh sarana sane wenten manul pangarsan utawi pinunas sang mabuat.
- (3) Indik nyelang genah utawi sarana sane wenten patut nganutin kadi ring sor :
- a. Sang mabuat mangda matur ring kelian Banjar utawi Prajuru Adat.
 - b. Sang nyelang patut kakenain upakara manut pabuat sane kaselang, manut pangelokika Prajuru.
 - c. Sang mabuat mangda supeksa ring genah wiadin saranane sane kaselang, prade risampun wusan rusak wiadin ical patut kabecikang wiadin kawaliang.
 - d. Sang nganggen kapatufang taler keni batu-batu manut pararem.

SARGA IV
SUKERTA TATA AGAMA

Palet 1

Indik Dewa Yadnya

Pawos 32

- (1) Palinggih panyiwian sawewidangan Desa Adat Brasela luire :
 - a. Kahyangan Tiga : Pura Desa/Bale Agung, Puseh, Dalem.
 - b. Pura Melanting, Pura Panataran, Pura Alit, Pura Batur, Pura Batumadeg, Pura Tamansari, Prajapati ring soang-soang Setra.
- (2) Rahina Piodalan soang-soang Kahyangan inucap kadi ring sor :
 - a. Ring Kahyangan Tiga luire :
 1. Pura Desa/Bale Agung, Rikala Rahina Buda Keliwon Dunggulan.
 2. Pura Puseh rikala Rahina Buda Keliwon Ugu.
 3. Pura Dalem Mrajapati rikala Rahina Anggara Keliwon Perangbakat.
 - b. Pura Melanting rikala Rahina Buda Wage Kelau.
 - c. Pura Panataran rikala Rahina Buda Keliwon Gumbreg.
 - d. Pura Alit rikala Rahina Saniscara Keliwon Kuningan.
 - e. Pura Batur rikala Rahina Anggara Keliwon Medangsia.
 - f. Pura Baturnadeg rikala Rahina Buda Wage Kelau.
 - g. Pura Taman rikala Rahina Anggara Keliwon Medangsia.
- (3) Pura - pura inucap ring ajeng kaemong olih Desa Adat Brasela.
- (4) Pengaci ring Pura inucap manut kecap sastra Agama saha kalaksanayang nista, madia; utama, manut kawentenan lan pararem.

- (5) Tiosan ring sane inucap ring ajeng wenten pura sane kaemong olih paseka-sekaan miwah piodalannya luire :
- Pura Masceti kaemong olih Krama Subak Brasela, piodalannya ring Anggara Keliwon Tambir.
 - Pura Dalem Pauman kaemong olih Tempek Pauman piodalannya ring Anggara Keliwon Julungwangi.
 - Pura Sang Hyang Alang Kemong olih Sekaa Tegal Brasela, Piodalannya ring Buda Keliwon Pahang.
 - Pura Gunung Sari Kaemong olih warga Bongaya Piodalannya ring Buda Umanis Dukut.
 - Pura Bukit Kaemong olih Krama Pura Bukit, Piodalannya ring Anggara Keliwon Prangbakat.
 - Panti Pande Kaemong oleh Warga Pande, Piodalannya ring Saniscara Keliwon Landep.
 - Panataran Taro Kaemong olih Krama Panataran Taro, Piodalannya ring Anggara Keliwon Kulantir.
 - Panti Abuan Kaemong olih Warga Selat piodalannya ring rahina Anggara Keliwon Medangsia.

Pawos 33

- (1) Ring soang-soang Pura inucap kawentenang Pamangku.
- (2) Ngadegang Pamangku manut dudonan :
- Turunan utawi ngwaris.
 - Nyanjan utawi masemuang, soang-soang mateges mapinunas ring ajeng Panataran Pura Desa
 - Kacatri olih Krama Desa
- (3) Tan kawenang kaadegang Pamangku luire :
- Cedangga.
 - Sakit ila, ayan, buduh wiadin edan
 - Punyah - punyahan
 - Sane madruwe kasucian urip lan becik.

(4) Prabeya ngadegang Pamangku :

- a. Adhiksa Widhi (ngawintenin) kamedalin saha kalaksanayang olih sang ngadegang, makadi Krama Desa Utawi pangempon Pura soang-saong.
- b. Mapitra Yadnya riwekas prade kulawargan Pamangkune tan mrasidayang, patut kasungkemlin antuk Krama Desa utawi pangemong, sanlstannyane Brahma Prayascita.
- c. Prade kulawargan Pamangku mrasidayang Ngupakara Pitra Yadnyane, Krama Desa utawi Pangemong patut nyarengin manut lokika.
- d. Rikala sampun seda, Pamangku utawi sang sampun nunas pawintenan ring Pura tan wenang kapendem utawi kasurupang ring Pratiwi.

(5) Pamangku patut ngamanggehang sasananing Pamangku luire :

- a. Ambek Dharma Sadhu.
- b. Asewaka dharma makadang sastra utama.
- c. Tan parek ring naya dusta
- d. Tan atayub ring tarub camara yudha
- e. Tan manying ring umah wong Wamya krama
- f. Tan manjing ring umah wong Drati krama.
- g. Tan pati pikul - pikulan.
- h. Tan Salab sulub
- i. Tan anginum asing angawe mada
- j. Tan wenang ajejuden
- k. Tan wenang anayub upadrawaning cor, yan mawyawahara leka wenang adewa saksi.
- l. Tan griganing wong akuwel
- m. Tan wenang cuntakaning wong len, sajawaning kulawargane tunggil natah utawi pasiwanja.

Pawos 34

Swadharmaning Pamangku luire :

- a. Ngenterang upacara ring khayangan utawi ring Pakubon Krama.
- b. Tan wenang salab sulub, yan mamurung wenang Pamangku inucap nyapuhin raga.
- c. Prade salah sinunggil Pamangku kapialang utawi cuntaka kengin nyelang Pamangku siosan utawi nuwur sang Sulinggih.
- d. Samalih yan sampun Pamangku ngayab ring Pura, kancit wenten kulawargannyane padem, Pamangku inucap tan keneng cuntaka, sakewanten Pamangku tan kengin budal selami piodalan.

Pawos 35

Patias utawi olih-olihan Pamangku luire :

- a. Polih sasari apah teluan sareng Prajuru rikala piodalan ring Pura.
- b. Polih atos miwah sasari ritatkala ring Pakubon Krama ngawentenang Yadnya manut lokika sang muatan.
- c. Upon - upon palaba manut pararem.
- d. Luput pakaryan miwah raramon, padagingan keni kadi patut.
- e. Polih batu - batu manut pararem, miwah patias siosan.

Pawos 36

(1) Pamangku kagentosin prade :

- a. Seda utawi lampus
- b. Pinunas ngaraga manawi kageingan lan sapanuggilannya.
- c. Kawusang olih Krama manawi malaksana tan patut.

(2) Prade Pamangku kawusang sangkaning malaksana tan becik keni pamidanda manut pararem.

Pawos 37

Kasukertan Kahyangan kadi ring sor :

- a. Tan kalugra ngaranjing ka Pura luire :
 1. Sang katiben cuntaka makadi sebel sakeng ngaraga.
 2. Makta sahanan barang sinanggeh ngaletihin.
 3. Sato Agung, sejawaning rikala mapada,
 4. Mabusana tan manut kadi tata caraning ngeranjing ka Pura.
 5. Sadereng polih wakwakan (pituduh) Prajuru / Dulun Desa.
- b. Pratingkahe tan wenang ring Pura :
 1. Masumpah (cor) sawawaning pituduh Prajuru/Dulun Desa.
 2. Makobelan, masesenengan, makolem dados asiki lanang wadon, mabacin / mawiara, nyangsang busana, menahin pusungan (santukan punika rikala majajahitan patut ngelung busung macongger lidinia).
 3. Munggah tedun palinggih, sawawaning pituduh Prajuru/Dulun Desa.
- c. Sang mamurung kecaping ring ajeng keni pamidanda pamrayascita sapatutnia.

Pawos 38

- (1) Yan wenten jatma karawuhan ring Pura, kengin kapintonin pada rumasa kasumbangsayan, yan tan wiakti Jalma inucap kasisipang manut pararem.
- (2) Prade Kahyangan kahanan durmangala, minakadi kapanca bhaya, Pamangku digelis nyadokang ring Dulu/Prajuru, magda marumang Krama Desa tur ngawentenang pamrayascita sapatutnya.

Palet 2

Indik Rsi Yadnya

Pawos 39

- (1) Sang pacang madeg Pandita utawi Pinandita minakadi Balian Sonteng, Kubayan, Dalang, saluire jagl ngenterang Yadnya, patut masadok ring Prajuru Desa-kalih Parisada Hindu Dharma Indonesia.
- (2) Prajuru Desa patut ngawas nitenin, tur *wenang ngalengin prade wenten kacihnan kakecap miwah drestane, tur sareng nyaksinin upacara saha nyiarang ring paruman Desa tegep rawuhing wates kawenangan pangenter Yadnya.
- (3) Krama Desa patut ngalurang ayah sapamadeg miwah ring panglepas Sang Sulinggih riwekas katuntun antuk Prajuru / Dulun Desa.

Pawos 40

- (1) Sang Sulinggih patut ngariyining ngayunin ring wawidangan jagat Brasela, sasampune wawu muputang yadnya kajebar jagat tios utawi ka Dura Desa.
- (2) Krama Desa sami patut ngawas nitenin katuntun antuk Prajuru/Dulu - dulu, mangda sahanan Yadnya sane kawentenang kaicen pamuput olih Pedanda utawi Pinandita manut kawenangannya soang-soang.

Palet 3

Indik Pitra Yadnya

Pawos 41

Pamargin Pitra Yadnya madudonan manut sakadi ring sor :

a. Pangupakara sang kalayu sekaran :

1. Antuk mendem utawi ngeseng, makacihna pakingsan ring Ibu Pratiwi ring Bhatara Brahma, salami nuptupang prabeya.

2. Atiwa-tiwa (Upakara pangabenan / palebon nyawa geni).
- b. 'Upakara-upakara Pitra Yadnya riwusan kaabenang mawastu munggah daun bingin (ngeroras) wawu kalaksanayang palinggih Dewa Hyang/ Bhatara Bhatari.

Pawos 42

(1) Mendem sawa utawi ngeseng :

- a. Genah mendem utawi ngeseng ring Setra ugi.
- b. Pamargi mendem utawi atiwa-tiwa manut padewasan malarapan antuk Desa, Kala, Patra.
- c. Mendem tan kalugra ring rahina : Pasah, Prawani, Purnama, Tilem, semut sadulur, kala gotongan, was panganlen, ingkel wong rarainan jagat.
- d. Nyuwasta geni ngaben dadakan, tan ngawitang dewasa sajeroning pitung rahina, nanging tan kadadosang ring rahina : pasah, rarajinan jagat (purnama, tilem, Prawani, Anggara Kliwon, Buda Keliwon, Saniscara Keliwon) miwah pujawali ring Pura-pura.
- e. Yan ana Krama kalampusan, ngawit lampus, tigang rahina tan wenten dewasa mendem patut makingsan.
- f. Yening wenten kalayu sekaran tigang rahina sadereng wali ring Pura, kengin mendem tanpa sadok tur mamargi wengi, tingkahe kadi makingsan, jantos bhatara masineb, wawu kawilangin tingkah upakarane.
- g. Tan kalugra mendem sawa : narug, ngelangkar gunung, megat nyambung, ngeseng lan mendem sarahina ring setrane asiki, patut kadumunang sane ngeseng, duaning punika sampun puput, wawu malih karerehang dewasa mendem manut dresta.
- h. Tan kalugra nginepang bangbang, miwah nyekung sawa lintangan ring pitung rahina, yan liwat ring pitung rahina jantos 12 rahina miwah jantos 42 rahina patut ngaben matusin Banjar manut dresta, yan tan pacang ngaben patut sawa punika kabakta kasetra olih Banjar, duaning kabawos ngaletihin jagat.

1. Sang maraga Pandita, pamangku, Dasaran, minakadi Sang sampun nunas pawinten, sane tan dados kapendem, wenang makingsan ring geni, taler kadadosang nyekung sawa lingangan ring pitung rahina duaning pacang kalanturang antuk upacara ngaben.
- (2) Sane ngupacara sawa tiyosan ring mendem, risampun tutug senger kacuntakannyane, patut masasapuh antuk caru ekasata ring : Pura Dalem, Mrajapati, miwah ring setra yan sarahina kalanturang antuk maparoras, panelah-telahan punika patut kalaksanayang ring pupul upakara parorase duaning kacuntakanyane, sampun telas.
- (3) Yening wenten sawa mapendem ring Setra Desa Adat Brasela, jaga ka abenang patut nganutin Sastra Agama lan Dresta.
- (4) Tingkahing upakara atiwa-tiwa agung alit, sane nunas tirta Dalem, patut ngaturan cucukan ka Pura Dalem luire : Beras 2 bungbung, kalapa 2, adeng 2, ayam 2, minyak, busung, jaja, puniki kakaryanin ring Prajuru / Pamangku, miwah upakara pamiut, ayam asiki, itik asiki, miwah panebas tirta manut pararem.

Pawos 43

- (1) Sajeroning ngajegang Agama Hindu, yan ana wong tan makrama Desa Adat Brasela, kalampusan tur pacang ka abenang wiadin kapendem ring Setra Desa Adat Brasela patut :
 - a. Sadurunge patut wenten atur piuning nunas uwak-uwakan ring Prajuru Desa Adat Brasela.
 - b. Keni pananjung batu manut pararem.
 - c. Indik pamargi mendem utawi ngeseng nganutin dresta ring Desa Adat Brasela.
 - d. Tan polih panyanggran Desa Adat/ Banjar.
 - e. Yan ngaben keni pamrayascita manut dresta ring Desa Adat Brasela, yan mendem tan keni pamraysacita.
 - f. Yening wenten sawa sane mapendem ring setra Desa Adat Brasela, pacang kaabenang ring setra sewosan keni Pamrayascita lan pananjung batu manut pararem.

- (2) Yan wong mapinunas kadi kecap ring ajeng, Prajuru patut marumang Desa, tur ngobyahang pinunas jatma inucap.
- (3) Yan wenten sakeng dura desa pacang kapuputang ring Desa Adat Brasela, olih warisnyane sanc makrama Desa Adat Brasela. kadadosang nanging keni pananjung batu manut pararem tur polih panyanggran Banjar.
- (4) Yan ana wong tan makrama Desa Adat Brasela tur lan ma agama Hindu, lan kadadosang mendem ring Setra Desa Adat Brasela.

Pawos 44

Yan wenten wong lampus sangkaning ulah pati salah pati, dados kabakta budal, tur ka upakara kadi patut, nanging kasanggara antuk banten pangulapan miwah penebusan manut sastra agama (Piagam Campuan).

Pawos 45

Swadarmaning Krama ritatkala wenten kalayu sekaran :

- a. Sang kaduhkitan patut :
 1. Nyadokang ring Kelian/Prajuru tur nunas katimbangan manut kawentenania.
 2. Ngaturin Krama Banjar ngarombo, makarya eteh-eteh sawa, kadulurin antuk panyambrahma canang sasida antuk utawi meweweh sajeng, ring pangrombo ngaler kasetra.
- b. Swadarmaning Banjar/Desa :
 1. Kelian Banjar maritatas pamargin Sang kaduhkitan, napike pacang kapendem, kakingsanang riya utawi lantur kaabenang.
 2. Prade kapendem raris kawentenang kulkul pamitahu antuk Kallan utawi wakilnia.

3. Panyanggran Banjar salanturnya :

- a). Sowang-sowang Krama Banjar nedunin patus manut pararem ring sowang-sowang pabanjaran.
- b). Ngarombo ngaryanin eteh-ete sawa saha kasarengin antuk krama sane rawuh maaksian.
- c). Sami Krama Banjar ngater kasetra jantos papendemane puput.

Pawos 46

(1) Sane kasinanggeh cuntaka sakadi ring sor :

- a. Cuntaka antuk kalayu sekaran.
- b. Cuntaka antuk ngaraja sewala.
- c. Cuntaka antuk ngembasang Putra
- d. Cuntaka antuk karuron.
- e. Cuntaka antuk Pawiwahan.
- f. Cuntaka antuk sakit ila, buduh.
- g. Cuntaka antuk gamia gamana.
- h. Cuntaka antuk salah timpal.
- i. Cuntaka antuk anak istri mobot, nenten ka upakara pabiya kaonan tur pawidi wedana.
- j. Cuntaka antuk mamitra ngalang.
- k. Cuntaka antuk yaning wenten anak istri mobot, tur ngawentenang putra, sadurunge maupakara pabiakaonan tur pawidi widana.
- l. Cuntaka antuk sad tatayl.

(2) Sengker cuntaka manut kawentenania :

- a. Cuntaka kalayu sekaran, cuntakania ka anutang sakadi loka dresta miwah sastra dresta Desa Adat sowang-sowang.
- b. Cuntaka ngaraja sewala 3 rahina ngawit sakeng ngaraja sewala, utawi selami kantun ngaraja sewala.

- c. Cuntaka ngembasang putra, 42 rahina (abulan pitung dina), ngawit saking putrane embas, utawi ngantos sampun ma upakara makakambuhan tur maprayascita, manut sakadi agama lanang wiadin istri.
- d. Cuntaka karuruon cuntakania abulan pitung rahina (42 rahina) tur sampun matirta pamrayascita.
- e. Cuntaka Pawiwahan, cuntakania nyatos sasampune matirta pabiakaonan.
- f. Cuntaka Gamia Gumana, cuntakania ngantos sasampune kapalasang / masesepihan, tur sampun kawentenang pamrayascita raga, tur sampun kawentenang pamrayascita Desa Adat / Kahyangan.
- g. Cuntaka Salah Timpal, kapuputang sakadi manut ring sastra Agama Hindu tur dresta Adat sowang-sowang.
- h. Cuntaka Anak Istri Mobot nenten kawentenang Upakara Pabikakaonan, cuntakania nyantos kawentenang upakara pabiakaonan.
- i. Cuntaka Mamitra Ngalang, cuntakania ngantos kawentenang upakara pabiakaonan.
- j. Cuntaka Ngembasan Putra nenten Kawentenang Upakara / Pabiakaonan / Pawidi widana, cuntakania ngatos wenten sanc marneras sang putra tur sampun kawentenang upakara sakadi ring sastra Agama Hindu.
- k. Cuntaka Sad Tatayi, cuntakania ngantos sampun maprayascita raga, tur nenten pisan dados ngunggahan upakara padwijatan.

(3) Cuntaka Kalayu Sekaran / Kapademan :

a. Kapendem cuntakania :

- 1. Cuntaka / sebel ka Banjar rawuhing 3 rahina riwusan mendem utawi sampun polih prayascita (masasapuh).
- 2. Kulawarga sajeroning pakarangan ngatos 11 rahina.

b. Kaaben cuntakania :

Sang nyambut karya Pilra Yadnya cuntakania ngawit saking ngarancang karya rawuh riwus yadnyania (Mapegat).

(4) Sane katiba cuntaka luire :

a. Kalayu sekaran sane cuntaka :

1. Sang sane kalayu sekaran;

2. Kulawargania;

3. Babanjaran;

b. Ngaraja sewala sane kacuntaka :

- Sang sane ngaraja sewala.

c. Ngembasang Putra sane kacuntaka :

- Kulawarga sane ngembasang Putra lanang wiadin istri.

d. Pawiwahan sane kacuntaka :

- Sang sane kaupakara pawiwahan Lanang wiadin Istri.

e. Karuron sane kacuntakan :

- Kulawarga lanang wiadin istri.

f. Gamia gumana sane kacuntakan :

1. Sang sane ngalaksanayang gamia gumana;

2. Desa Adat nyane.

g. Cuntaka Salah Timpal sane kacuntaka :

1. Sang sane malaksana salah timpal.

2. Desa Adat nyane.

h. Anak Istri Mobot nenten kawentenang upacara pabiukaonan sane kacuntaka :

- Sana meraga istri (sane mobot).

i. Mamitra Ngalang sane kacuntaka :

- Sang sane ngalaksanayang mamitra ngalang punika.

j. Ngembas putra nenten kawentenang upacara pabiukawonan miwah upakara pawidi widana sane kacuntaka :

1. Sang sane ngembas putra;

2. Putra sane embas.
- (5) Tan keneng cuntaka luire :
1. Sang Sulinggih lan mangku Kahyangan Tiga.
 2. Rikala plodalan risampun ngalang sasih / ngalang tengah.

Pawos 47

- (1) Atiwa - tiwa (pangabenan) Kalaksanayang antuk :
- a. Nyawa Resi (nyuasta geni) saantukan tan ngagah utawi manawi sawa tan kakeniang ;
 - b. Sawa prateka.
- (2) Panemaya pangabenan wenten kalih pawos :
- a. Ngaben dadakan / bah bangun kadadosang ring sajeroning lempekan.
 - b. Ngaben ngamasa.
- (3) Dudonan pangambenan ngawit saking ngagah (seda) Ngeseng ngantos pangiriman utawi nganyut.

Pawos 48

- (1) Papatusan pangabenan wenten kalih pawos :
- a. Ngaben ngamasa luire : Beras, Kelapa, Gesing, miwah kalangsah manut pararem.
 - b. Ngaben dadakan pateh sakadi patus seda kapendem, utawi manut pararem.
- (2) Pangingune ring Krama Banjar ngawit ngayah anut abot dangan kawentenan karya.

Palet 4

Indik Manusa Yadnya

Pawos 49

- (1) Manusa Yadnya inggih punika upakara - upakara dharmaning manusa, ngawit sakeng patemoning kama bang kalawan kama petak sajeroning garba ngantos kalayu sekar riwekas.
- (2) Upakara kadi ring ajeng madudonan kadi ring sor :
 - a. Magedong-gedongan duk pangrempinian ibiang;
 - b. Duk sang kamareka medal;
 - c. Kepus odel;
 - d. Roras rahina;
 - e. Tutug kambuhan (42 rahina);
 - f. Nigang sasihan (3 bulan);
 - g. Pawetuan / oton / odalan (6 bulan);
 - h. Tutug kelih (ngeraja wedana, ngembakin lanang);
 - i. Matatah / mapandes;
 - j. Mawiwaha;
 - k. Mawinten;
- (3) Upakara - upakara inucap nista, madia, utama, manul sastra agama saha catur dresta, maka buatan desa dresta, ngawinang sima cara Desa.

Palet 5

Indik Bhuta Yadnya

Pawos 50

- (2) Bhuta Yadnya inggih punika Upakara-upakara pabiakala ring Pratiwi lan Kahyangan, sarwa prani saha upakara - upakara ring kabhutan.

- (2) Upakara pabyakala ring sarwa prani luire :
- a. Ring sarwa tumuwuh miwah sarwa mesin rikala (Saniscara Keliwon Wariga) Tumpek Uduh / Pangatag.
 - b. Upakara pakala-kala manusa anut widana kabawos pabyakala.
 - c. Ring sarwa ingon-ingon rikala Tumpek Andang (Saniscara Keliwon Uye).
 - d. Ring sarwa siandana Tumpek Kuningan.
 - e. Gong sakaluiring tabuh-tabuhan lsp, rikala Tumpek Krulut.
 - f. Ring sarwa ukir-ukiran/Wayang rikala Tumpek Wayang.
 - g. Ring sarwa sanjata rikala Tumpek Landep.
- (3) Upacara pabiakala ring Pratiwi, kahyangan lan Babhutan kawastanin macaru.
- (4) Pacaruan inucap ring ajeng nista, madia, utama manut wiguna kadi ring sor :
- a. Eka sata
 - b. Panca sata
 - c. Panca sanak
 - d. Resigana.
 - e. Tawur Agung
 - f. Panca kelud.
- (5) Sajawaning kadi ring ajeng kawentenang upakara :
- a. Majot-jotan utawi Yadnya Sesa, nyabran wusan ngarateng.
 - b. Masapuh-sapuh ritatkala pacang wali ring Pura.
 - c. Pacaruan Sasih (Caru Pamayuh Jagat) kamargiang satunggil asasih nangkem talem.
 - d. Panangluk mrana kamargian ring teleming sasih kencem imagenah ring :
 - 1) Ring Nalar Pura Dalem Carunia bebek belang kalung saha runtutania
 - 2) Ring Nalar Pura Bale Agung carunia ayam barumbun saha runtutanya.

3) Ring Setra carunya asu blang bungkem isaha runtutania, kadulurin antuk aturan ring sedahan Setra, Pras santun ageng, tipat gong maulam taluh maguling.

4. Caru Pakideh luire :

- ring pamangkalan kangin caru ayam putih.
- ring pamangkalan kelod caru ayam biying
- ring pamangkalan kawuh caru ayam kuning
- ring pamangkalan kaja caru ayam selem.

Sowang-sowang Krama maturan tipat bantal, laklak, tape, ring sowang-sowang pamangkalan manut tempekan, sahananing caru inucap ring ajeng miwah caru sasih patut nunas tirta ring Pura Dalem.

Pawos 51

- (1) Nangken ngawarsa rikalaning tilem Kasanga kawentenang Tawur kasanga, Karihinin antuk melis/melasti kasegara rikalaning panglong ping 13, Bhatare nyejer ring Bale Agung Jantos wusan ngarupuk, makacihna pacang mapag rahina Panyepian benjangne.
- (2) Upacara Penyepian sane kalaksanayang olih Krama Desa :
 - a. Amati Geni : tan kengin ma api - api
 - b. Amati karya : tan kengin nyambut karya
 - c. Amati lalanguan : tan kengin ma oneng-onengan Masuara gora lan sapanunggalanya.
- (3) Pabraton inucap kamargiang sakeng semeng ngantos wengi (surup surya) raris kasuarayang kulkul makacihna pangembak ;
- (4) Sang mamurung kacape ring ajeng keni pamidanda manut pararem Banjar/Tempek sowang-sowang kamargiang antuk patelik (Pacalang Desa).
- (5) Riwus Rahina Nyepi (Benjangne) maka cihna pangawit Icakawarsa patut sowang-sowang Warga Desa ngaksama.

SARGA V

SUKERTA TATA PAWONGAN

Palet i

Indik Pawiwahan

Pawos 52

- (1) Pawiwahan inggih punika patemoning purusa pradana malarapan panunggalan kayun suka cita kadulurin upasaksi sakala niskala.
- (2) Palaksanaan Pawiwahan luire :
 - a. Papadikan, kamanggala antuk pakraman;
 - b. Ngarorod, marangkat riya wawu kakrunayang;
 - c. Nyeburin, sang wadon sinanggeh purusa karajegang sentana marep sane lanang sinanggeh pradana.
- (3) Pidabdab sang pacang mawiwaha patut :
 - a. Sampun menggah deha taruna (prasida nganutin Undang-undang)
 - b. Sangkaning pada rena (tan kapaksa)
 - c. Nganut kacaping Agama tan gamia gumana.
 - d. Kawisudayang prade pangambile tios Agama miwah kaptiwangi.
- (4) Pamargin pawiwahan mangda nganutin Undang-undang Perkawinan sakeng Sang Ngawawenang.

Pawos 53

- (1) Pawiwahan sane kapatutang ring Desa Adat Brasela sakadi ring sor :
 - a. Sampun kamargiang pabiakala utawi masakapan kasaksiang sakala niskala antuk pandita / pinandita.
 - b. Wenten pasaksi Prajuru / Dulu - dulu sane mapakellngang utawi ngilikitayang pawiwahan.
 - c. Sampun matengeran suara kulkul.

- d. Pawiwahan irucap ring ajeng sampun kacatetang ring sang Ngawa wenang, Kantor Camat utawi ring Kantor Catatan Sipil Kabupaten Dacrah Tingkat II

(2) Parabian sane tan manut kadi ring ajeng singgih tan patut (tan sah).

Pawos 54

Tata caraning parabian patut sakadi ring sor :

- a. Sapa sira ugi pacang ngawarangan kulawarganla patut masadok ring Prajuru / Dulu - dulu salanturniaa Prajuru / Dulu maritatas manut tan manut kecap parabiane.
- b. Pamargin papadikan manut dudonan :
 1. Pakurenan jantos ping tiga saha sowang-sowang malarapan :
 - a) Kapertama antuk canang.
 - b) Kaping kalih antuk canang sari sajeng.
 - c) Kaping tiga antuk tipat bantal kabawos pamuput papadikan.
 2. Risampun mapragat raris sang istri kaajak budal ring pakubon sang lanang, saha kalanturang antuk pabeyakala.
 3. Mangda peragat tumus sakala niskala, raris kulawarga purusa makta pajati ring merajan wadone.
- c. Prade ngarorod / marangkat patut :
 1. Reraman lanange ngawentenang pamilaku / pajati antuk duta saski sakirangnya kalih diri.
 2. Pagenahan antene tan kenglin ring pakubon sang lanang sadereng mabiyakala.
- d. Sajeroning pangelukuan / pakurenan patut :
 1. Kamanggala antuk geng pangampura arep ring raraman wadone.
 2. Kaiguman bawos indik pakidih utawi palegeyan arep ring pasewakan sang ngidih saha dewasa pakerabkambeane riwekas.
 3. Kacihnayang indik kapurusa utawi prade santana rajeg kajejerang patut ngidih anak lanang, sanac kabawos pawiwahan nyeburin,

- tur risampun sulur pamerasan kategepin kamanggchang santana nyeburin.
4. Prade tan terima pajati pakrunan kamargiang jantos ping tiga.
- c. Pakrabkambean mapiteges upacara tinas apadang (pupul) mapikuren, duaning manut sakadi ring sor.:
1. Sajeroning kabawos ambe kalaksanayang ring sakala niskala, antuk sarana jajauman miwah pawidi widana :
 - a) Jajauman pinaka ngambe / ngadungang kayun soang-soang pakulawargan wadone.
 - b) Widi widana pinaka pajati niskala nunas wadone ring pamrajan kamulania.
 2. Sajeroning bawos kerab palaksana ring sakala :
 - a) Antuk panyaksi Krama Banjar duaning kakerabin antuk tengeran kulkul.
 - b) Pamekas panyaksi Prajuru/Dulu - dulu saha ngilikitayang.

Palet 2

Indik Nyapian

Pawos 55

- (1) Pawiwahan prasida kawusang malarapan antuk palas marabian utawi kapademan.
- (2) Wusan mapikuren salah sinunggil seda mapiteges balu.
- (3) Palas parabian wenten kalih pawos, inggih punika : Sangkaning pada lila miwah mawiwit wicara.
- (4) Sang ayat palas marabian patut atur supekta riyin ring Sang Rumawos (Pengadilan Negeri) wastu tinas apadang pamutuse kabawos nyapian, wawu Dulu nyiarang kawentenanya ring Desa saha keni pamelin kulkul manut pararem.

Pawos 56

Tata cara palas marabian sangkaning pada lila sakadi ring sor :

- a. Nawur prabeya pasaksi sinalih tunggil sami matenga.
- b. Pangunakayan polih pahan atenga.
- c. Pabekel tadtadan soang-soang kakuasa niri niri miwah warisan kakuasa antuk purusa.
- d. Ngawuruhin miwah ngupa jiwa preli sentananya manut swadarmaning Guru Rupaka.
- e. Nawur pamidanda suaran kulkul manut pararem.
- f. Ngelung jinah manut pengelikika Prajuru / Dulu.

Pawos 57

Prade riwekas sang palas kacihna adung malih patut :

- a. Ngalaksanayang pawiwahan malih.
- b. Kadanda nikel sakeng palase, yadiastun wit palas pecak sangkaning pada lila.

Pawos 58

(1) Sang balu kabinayang dados :

- a. Balu luh wit santana (santana rajeg) miwah blu luh boya santana.
- b. Balu muani kapurusa (wit santana) miwah balu muani nyeburin (boya santana).

(2) Swadarmaning balu inucap patut :

- a. Ngamanggehang patibrata lan kengin ngamargiang paradara / drati krama.
- b. Nguasayang waris pangunakaya tan dados ngadil, ngadeang, makidihang lan tlosan punika, sajawaning kabebasanng sakeng pianak utawi kulawarga sane pinih tampek sakeng kurenanya prade pianak kanton alit-alit.

- c. Kengin ngidih santana prade wenten pidabdab sadurung sinalih tunggil padem saha kabebasan antuk kulawarga singgih kapurusa.
- d. Kawenangang mawiwaha malih, prade wenten kabebasan anut angka aksara ring ajeng.

Pawos 59

Balu kaucap tan pageh sakadi ring sor :

- a. Drati krama utawi paradara.
- b. Matilar sakeng pakubon tanpa sadok jantos 6 (enem) sasih.
- c. Lempas ring swadarma sewos-sewosan, tan prasida ngehehin solah maprawerti arep ring pituduh kulawarga purusa.

Palet 3

Indik Sentana

Pawos 60

- (1) Santana wantah kalih pawos, sane kaucap pratisantana miwah santana paperasan.
- (2) Pratisantana inggih punika santana sane metu sakeng pawiwahan kapatut.
- (3) Prade pawiwahane tan kapatut ngawetuang santana, mangda tan kanton kawastanin babinjat, yogiya kamanggala antuk panyangaskara.
- (4) Prade pawiwahan tan ngawetuang santana, kengin ngidih santana antuk upasaksi sakala niskala sane kawastanin santana paperasan.
- (5) Santana rajeg inggih punika, Pratisantana wadon (predana) sane kamanggehang lanang (purusa) tur risampun ngelaksanayang pawiwahan nyeburin.

- (6) Sang sane dados kaarsayang santana rajeg inucap wiwit (5) inggih punika :
- a. Prati santana wadon tunggal.
 - b. Sampun kamanggehang dados prati santana lanang (purusa)
 - c. Kapiwiwahan kaceburin, kautamayang antuk jatma sane maagama Hindu, utawi jatma sane maagama siyosan sane sampun ngalaksanayang pamarisuda raga utawi sudi wedani.
 - d. Sane manggehang santana rajeg patut mapasadok ring Prajuru Banjar tur I Klian Banjar patut nyiarang ring Banjar saha ngaturang ring Prajuru Desa Adat.

Pawos 61

- (1) Ngangkat santana manut dudonan patut makacihna arta berana pamerasan sane kasaksiang sakala niskala.
- (2) Sapa sira ugi Krama pacang ngidih santana patut masadok ring Bendesa sanistane asasih sadereng pamerasan.
- (3) Bendesa kawakilin antuk klian - klian Banjar nyiarang ring sawawidangan Desa, sang sapa sira ugi rumasa tan lila mangda masengker kalih uku sabanen pamerasan sampun matur ring Bendesa Adat.
- (4) Prajuru / Dulun Desa digelis mawosan saha ngicenin pamutus nepak ring catur dresta miwah pararem.
- (5) Prade sulur pamerasan tan manut ring kecaping ajeng Dulun Desa wenang ngandeg sang pacang makarya, saha ngicenin pamutus, mangda kapuputang riyin babawos sulur utawi wicarane.

Pawos 62

- (1) PAPERASAN sane patut ring Desa risampun makacihna :
 - a. Widi widana pamerasan
 - b. Kasaksinin antuk Dulun Desa sane makelingang utawi ngiliki-tayang tur.

- c. Kasiarang ring wawidangan Desane.
- (2) Sane kapatut peras angge santana kadi ring sor :
 - a. Jatma ma agama Hindu.
 - b. Papernahan maduang sakeng sang meras.
 - c. Kulawarga saking purusa, prade tan wenten kengin sakeng wadon yening taler tan wenten wawu kengin sa kama - kama (saking kayun).
 - d. Kautamayang saking waris pancer kapurusa.
 - e. Sinalih tunggil mawiwit saking kulawarga tunggal Sanggah utawi Merajan, paibon lan dadia utawi ngambilin anak tios sakewanten sang maagama Hindu.
- (3) Kengin ngangkat santana langkung ring adiri, lanang wiadin wadon.

Palet 4

Indik Warisan

Pawos 63

- (1) Warisan inggih punika arta brana saha ayah-ayahan ngupadi sukerta sakala niskala saking kaluhurannia arep ring turuannya.
- (2) Karang sinanggeh warisan luire :
 - a. Due tengah, makadi tegal ayahan Desa, Kahyangan pusaka siwa karana lan;
 - b. Pamrajan kamulan;
 - c. Pangunakayan, tatadan / jiwadana hutang piutang.
- (3) Wawu kengin kabawos warisan prade wenten :
 - a. Sang mapiturun (Pawaris)
 - b. Katurunan (Ahli waris)
 - c. Arta berana miwah tategenan (ayah-ayahan) maka cihna warisan.

Pawos 64

(1) Ahli waris luire :

- a. Pretisantana purusa
- b. Pretisantana predana (Santana Rajeg)
- c. Santana paperasan lanang / wadon.

(1) Prade tan wenten sakadi ring ajeng, kang sinanggeh ahli waris :

- a. Turunan purusa pernah ngunggahan rarama lanang pekaka salantur ipun rarama misan mindon.
- b. Tutunan purusa pernah kasamping makadi kaponakan miwah mindon.

Pawos 65

Swadarmaning ahli waris patut :

- a. Narima saha nguasayang tatamian pahan kaluhuranya makadi ngarempon sanggah, Pura saha pangupakarania miwah nyaladiyin ayah-ayahan pawaris;
- b. Ngabenang pawaris saha ngalanturang upacara - upacara Pitra;
- c. Naurin hutang - hutang pawaris saha manut pangelokika.

Pawos 66

Pangepahan waris nganut sakadi ring sor :

- a. Risampun kalaksanayang Pitra Yadnya lan hutang - hutang pawaris bintas kataur;
- b. Para ahli waris polih pahan pada sangkaning pangunakaya, sahananing karang / tegal ayahan Desa kaamong antuk ahli waris kang sinanggeh krama ngarep utawi krama batan paha;

c. Sinalih tunggil ahli waris kengin tan polih pahan prade :

- 1. Nilar kawitan lan sasananing agama;

2. Alpaka Churu Kupaka;

3. Santana rajeg kesah mawiwaha utawi preti santana nyeburin, soang-soang kabawos ninggal kadaton.

d. Boya ahli waris kengin muponin hasil anut dudonan luire :

1. Santana luh salami durung kesah mawiwaha utawi alpaka guru miwah prade madrebe pianak tan kuangkenin antuk wong tua rare inucap, kengin ngawaris wantah pikolih (pangunakaya) santana luh inucap kemaon.

2. Balu luh wiadin muani nyeburin (soang-soang boya santana).

3. Mulih deha utawi taruna riantukan ring pawiwahane pecak sampun kabawos ninggal kadaton.

e. Pawaris kengin maweweh rikala maurip pinaka jiwa dana tadtadan bekel, maka cihna paweweh tetep ring pianak sane kesah mawiwaha.

Pawos 67

(1) Prade wenten ahli waris langkungan ring adirl sajeroning kulawarga patut :

a. Wentenang paigum indik padum waris inucap;

b. Yan tan prasida tunasang tatimbang ring Dulu-dulu (Kereta Desa).

c. Prade taler tan wenten cumpu ring panepas Kerta Desa kengin katunasang ring Sang Rumawos (Pengadilan Negeri).

(2) Prade karang inucap kaputungan, patut Prajuru/Dulu-dulu niwakang ring :

a. Sang manggeh ahli waris manut pawos 64.

b. Sang kengin anggen santana anut pawos 62 (2) miwah (3).

c. Prade taler tan wenten cumpu ring panepas Kerta Desa, kengin katunasang ring Sang Rumawos (Pengadilan Negeri).

(3) Prade jantos Karang Desa kaepah utawi kasepih, patut soang-soang nedunin makrama Desa marep (batan paha).

SARGA VI

WICARA LAN PAMIDANDA

Palet 1

Indik Wicara

Pawos 68

- (1) Sang wengang mawosin mlkadi mutusang wicara ring Desa inggih punika Prajuru / Dulun Desa sinanggeh Kerta Desa.
- (2) Prade sang mawicara tan wenten cumpu ring pamutus Kerta Desa, kengln nunasang wicara inucap ring Sang Rumawos (Pengadilan Negeri).

Pawos 69

- (1) Sahanan wicara mawiwit kacorahan sakaluire sinanggeh nungkasin daging Awig-awig Pasuara miwah pararem Desa/banjar, Prajuru / Dulun Desa patut digelis mawosin tan nyantos pasadok.
- (2) Sajaba wicara kadi ring ajeng patut nyantosin pasadok sang nunas bawos.
- (3) Panepase patut pastika nyantenang iwang patut malarapan Tri Premana (Saksi Ilikita Bukti) miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa / Banjar wenang niwakang pamidanda ring warga Desa sanc sisip.
- (2) Paniwak inucap kalaksanayang olih Bendesa/Kellan Banjar.

- (3) Bacakan pamidanda luire :
- a. Ayahan panukun kasisipan;
 - b. Danda arta (desa, danda saha panikel-nikelnia miwah panikel-nikel urusan);
 - c. Rarampagan;
 - d. Kadaut karang ayahanya;
 - e. kasepekang;
 - f. Panyangaskara;
- (4) Pamidanda sane katiwakang patut masor singgih manut ring kasisipanne.
- (5) Jinah utawi raja urunan pamidanda ngaranjing dados druwe Desa / Banjar.

Pawos 71

- (1) Krama sane langkung ring tigang paruman ngalantur tan nawur urunan miwah dadendan wenang karampag.
- (2) Rarampagan ngangge tatacara kadi ring sor :
- a. Kalaksanayang olih Prajuru / Dulu kasarengin antuk Krama tigang diri maka saksi;
 - b. Sang ngarampag sakeng darsana ngambil barang utawi nyawenin tanem tuwuh, akehnia manut ring hutang sang karampag;
 - c. Prajuru / dulu miteketang mangda barang-barang sane karampag digelis katebus, masengker auku ring kutus rahina pacang ka adol.
 - d. Tan nganinin barang-barang sane patut inggilang manut Agama miwah mademang pangupa jiwa sang karampag.

Pawos 72

- (1) Prade sang pacang karampag ngawara (ngalangin) palaksana inucap mawastu sampun tan nganutin Awig-awig Desa wenang karang Desa sane kagenahin kadaut antuk Desane.
- (2) Samalih yan purun taler ngalangin palaksana kadi ring ajeng tan wenten pamargi sajawaning kasepekang olih Krama Desane.
- (3) Pamidanda inucap ring ajeng keni buntas risampun sang kakeninin :
 - a. Nunas geng pangampura ring Krama Desa riantukan nguak pasubaya (pararem) pecak.
 - b. Nawur pangargan panguak pesu ayahane duk pacang karampag kadulurin pamrayascita panyapsap kaiwangane ring Desa.

SARGA VII

NGUAH - NGUWUHIN AWIG - AWIG

Pawos 73

- (1) Nguwah-nguwuhin Awig-awig Desa puniki kalaksanayang antuk Paruman Desa.
- (2) Awig - Awig puniki kamargiang ngawit kaingkupin (kararemin).

Pawos 74

- (1) Saka luring sane wenten saderehnya patut kaanutang ring sadaging Awig-awig puniki.
- (2) Sakaluring sane during kabawos sajeroning Awig-awig punik kalaksanayang manut tata cara sane sampun mamargi kadulurin antuk pararem-pararem.

SARGA VIII

PAMUPUT

Pawos 75

- (1) Awig-awig puniki kararemin duk Rahina Redite Paing Dunggulan Tanggal ping 5 (Ilma) Sasih Kasa (1) Isaka 1918, Tanggal Masehi 21 Juli 1996 ring Bale Wantilan Jaba Pura Dalem Desa Adat Brasela.
- (2) Awig-awig puniki kalingga tanganin antuk Bendesa, Penyarikan Desa, Kelian-kelian Banjar / Tempek saha kasaksiang antuk Kelian-kelian Banjar Dinas miwah Prebekel sawidangan Desa.

(3) Lur sang Ngalingga tanganin :

a. Kapretama Prajuru Desa

1. Bendesa Adat Brasela


(IDA BAGUS WIBAWA)



Penyarikan,


(I MADE ANA)


3. Kellan Banjar Brasela


(I GUSTI NGURAH TINGGAAL)

4. Kellan Banjar Gadungan


(I KETUT BRATA)

5. Kellan Banjar Triwangsa Brasela,



(IDA BAGUS MADE ANOM)

b. Prajuru Dinas pinaka Saksi :

1. Kepala Dusun Brasela,


(I GUSTI NGURAH TINGGAAL)

2. Kepala Dusun Gadungan



(I KETUT BRATA)

3. Kepala Dusun Triwangsa Brasela,


(IDA BAGUS MADE ANOM)

4. Kepala Desa Kelusa,


(IDA BAGUS GEĐE BUJANA)



Mengetahui dan telah dicatatkan

Pada Tanggal : 8 Oktober 1996
Nomor : 10 Tahun 1996



BUPATI KEPALA DAERAH TINGKAT II GIANYAR

